

Bosna i Hercegovina

Federacija BiH

Kanton Sarajevo

Skupština Kantona Sarajevo

45. radna sjednica

n/p predsjedavajućeg, gosp. Elvedin Okerić

ZASTUPNIČKA INICIJATIVA

za uvodjenje neobavezne imunizacije djece protiv HPV virusa u KS

OBRAZLOŽENJE:

U Bosni i Hercegovini na godišnjem nivou oko 140 žena umre od raka grlića materice, a oboli oko 550.

Na području BiH u 2018. godini evidentirano je 556 novih slučajeva oboljenja od raka grlića materice.

U prošloj godini u KS-u zabilježene su 74 oboljele osobe, a u 2019. taj broj iznosio je 133.

Riječ je o drugom najrasprostranjenijem karcinomu kod žena te prvom kod žena u dobi od 15 do 44 godine.

U slučaju pravovremenog otkrivanja promjena na grliću materice izlječenje je stopostotno.

Vakcina protiv humanog papiloma virusa (HPV), koji uzrokuje gotovo sve nove slučajeve raka grlića materice, je siguran, efikasan i ključan korak u borbi protiv ove bolesti.

Cilj WHO-a je da do 2030. godine bar 75 posto djevojčica dobije vakcinu da bi spriječili ovaj karcinom i da se 90 posto žena može na vrijeme pregledati i na vrijeme utvrditi početne promjene.

HPV vakcine nisu u programu obavezne vakcinacije u Federaciji BiH, međutim ranije je postojala najava ZZJZ da se ista uvede u program dodatne imunizacije u KS, što znači da ona neće biti obavezna, ali će kao takva biti dostupna za sve one koji smatraju da svoju djecu u tom periodu mogu vakcinisati.

Međutim od te najave do danas nismo daleko odmakli.

Uzimajući u obzir sve prethodno navedeno podnosim inicijativu prema resornom ministarstvu.

Sarajevo, 14.11. 2021.

Segmedina Srna Bajramović

Zastupnica SDP BiH u SKS